



玉函山房輯佚書

□ 11  
1236  
43

四十三





三  
十  
三  
百  
三  
十  
六  
（  
四  
三  
三  
）

三  
十  
三  
百  
三  
十  
六

1236  
43





玉函山房輯佚書目

卷四十一

經編論語類

古論語六卷

齊論語一卷

論語孔氏訓解一至三卷

漢孔安國







也案孔為古文訓說凡集解引孔注者下著孔注本皇侃本高麗本弟並作悌與延篤引經合

君子務本本立而道生孝悌也者其為仁之本與後漢書延篤傳引案延篤受業於馬融亦為古文學者

曾子曰吾日三省吾身馬注本

傳不習乎釋文鄭曰魯讀傳為專今從古

子曰導千乘之國馬注本皇本高麗本道作導注及下同

子曰弟子入則孝出則悌謹而信汎愛眾而親仁行

有餘力則以學文馬注本○皇本弟作悌

子夏曰賢賢易色事父母能竭其力事君能致其身

與朋友交言而有信雖曰未學吾必謂之學矣孔注本王

注本

子曰君子不重則不威學則不固孔注本案魯論無友不如己者過則勿憚改三句集解不引孔注古文無之也見子罕篇

會子曰慎終追遠民德歸厚矣孔注本

陳子禽問子貢曰孔子適是國必聞其政來之與抑

與之與子貢曰夫子溫良恭儉讓以得之夫子之求

之也其諸異乎人之求之也司馬遷史記仲尼弟子列傳案遷從孔安國問

凡史記引論語皆古文



子曰父在觀其志父沒觀其行三年無改於父之道可謂孝矣孔注本

有子曰禮之用和為貴先王之道斯為美小大由之有所不行知和而和不以禮節之亦不可行也史記仲尼

弟子傳馬注本

有子曰信近於義言可復也恭近於禮遠恥辱也因不失其親亦可宗也史記仲尼弟子傳案集解信近句注不著姓恭近句注作包

日韓愈筆解並作焉曰因並依古本

敏於事而慎於言就有道而正焉可謂好學也已孔注

本

子貢問曰富而無驕貧而無諂何如孔子曰可也不如貧而樂道富而好禮子貢曰詩云如切如磋如琢如磨其斯之謂與也子曰賜也始可與言詩已矣告諸往而知來者也史記仲尼弟子列傳引子貢問曰至好禮孔注本皇本謂與下來者下並有也字

子曰不患人之不知也患己不知人也王注本皇本已下有也字不知上有已字

鄉黨第二皇侃義疏序云古論語鄉黨第二



孔子於鄉黨恂恂如也似不能言者其於宗廟朝廷

辯辯言唯謹爾史記孔子世家

朝與上大夫言誾誾如也與下大夫言侃侃如也史記

孔子世家引與上大夫言二句在與下大夫言之上集解引孔注先下大夫後上大夫蓋依魯本用

孔義茲據史記

君在踧踖如也與與如也馬注本

入公門鞠躬如也如不容孔注本史記孔子世家引此在君召使僎上

立不中門行不履闕許慎說文解字引作履闕案許傳古文集解引孔作履闕何氏

依今字改茲據說文

過位色艷如也足躩如也其言似不足者孔注本說文解字

岑字引論語色岑如也又艷字引論語色艷如也郭忠恕汗簡卷中之二艷蒲沒反引古論語則稱

岑如者存異文孔注作勃何依今字改

攝齋升堂鞠躬如也屏氣似不息者孔注本鼎七經攷異作

攝齋孔注同

出降一等逞顏色怡怡如也沒階趨進趨如也復其

位踧踖如也孔注本史記孔子世家說文引作趨進趨如也

君召使僎色艷如也史記孔子世家注本

攝所與立左右手衣前後襜如也趨進趨如也趨進句依



說文

賓退必復命曰賓不顧矣

邢本集解引作鄭曰 皇本高麗本作孔曰蓋魯古

同並

上如揖下如授

釋文魯讀下為趨今從古

私覲愉愉如也

說文解字

君子不以紺緞飾

孔注本

紅紫不以爲褻服

王注本

當暑禛絺綌必表而出

孔注本 皇本 作禛無之字

緇衣羔裘素衣麤裘黃衣狐裘

孔注本

結衣長短右袂

說文解字引論語作結衣集解引孔注經作褻裘仍魯論也觀孔注無褻

表字可知

必有寢衣長一身有半

孔注本 說文解字引下句

狐貉之厚以居

說文解字引作貉汗簡卷中之二貉字引古論語

去喪無所不佩

孔注本

非帷裳必殺之

王注本

羔裘玄冠不以弔

吉月必朝服而朝

齊必有明衣布



齊必變食居必遷坐

並孔注本

食不厭精膾不厭細食饁而餽魚餽肉敗不食

孔注本

說文解字引食饁句又云餽飢也从食委聲日魚敗曰餽據此古文餽作餽史記孔子世家魚餽下無而字

色惡不食晷惡不食失飪不食

孔注本 皇本臭作晷

割不正不食不得其醬不食

馬注本 史記孔子世家引上句

肉雖多不使勝食既

說文解字既小食也从自兒聲引論語

唯酒無量不及亂沽酒市脯不食不撤薑食不多食

孔注本

雖蔬食菜羹瓜祭必齊如也

孔注本 釋文鄭曰讀瓜作必今從古

席不正不坐

史記孔子世家

鄉人飲酒杖者出斯出矣

孔注本

鄉人儻朝服而立於阼階

孔注本 釋文鄭曰儻魯讀為獻今從古

問人於他邦再拜送之

孔注本 山并鼎攷異足利本無而字

康子饋藥拜而受之曰並未達不敢嘗

孔注本

魯菴焚孔子罷朝問人不問馬

桓寬鹽鐵論刑德篇案與集解引鄭本

異桓所引者古文也汗簡卷下之二魯廢引古論語據用

君賜食必正席先嘗

孔注本 山并鼎攷異足利本無之字



君賜勝必熟而薦之孔注本也腥星見案說文解字勝不熟

也陳氏鱣云據此當作勝今依之

君賜生必畜之釋文鄭曰魯讀生為牲今從古

朝服衽紳說文解字引無加字

君命召不俟駕行矣史記孔子世家

朋友死無所歸曰於我殯孔注本

朋友之饋雖車馬非祭肉不拜

居不客並孔注本釋文居不客本或作容唐石經作客

子見齊衰者雖狎必變孔注本麗本見上有子字

見弁者與瞽者雖褻必以貌釋文鄭曰魯讀弁為纒今從古

凶服者式之式負版者孔注本

有盛饌必變色而作同上

升車必正立執綏車中不內顧釋文鄭曰魯讀車中內顧今從古○案漢

書成帝紀贊升車正立不內顧用古文義

色斯舉矣馬注本

三嗅而作顧野王玉篇引嗅作嗅有嗅字云以鼻就氣也玉篇所引是古文

字



古論語卷二

雍也第三

皇侃義疏云古論語雍也第三

子曰雍也可使南面

史記仲尼弟子傳

仲弓問子桑伯子

王注本

子曰可也簡

孔注本

仲弓曰居敬而行簡以臨其民不亦可乎

孔注本

魯哀公問弟子孰為好學孔子對曰有顏回者好學

不遷怒不貳過不幸短命死矣今也則亡

史記仲尼弟子傳

子華使於齊冉有為其母請粟孔子曰與之釜請益



曰與之庾冉子與之粟五秉孔子曰赤之適齊也乘

肥馬衣輕裘吾聞君子周急不繼富同上集解用馬注又用包鄭

注參用魯本

與之粟九百辭子曰毋孔注本

孔子謂仲弓曰犁牛之子騂且角雖欲勿用山川其

舍諸史記仲尼弟子傳案傳云仲弓父賤人孔子曰云云孔字據補

曰賜也可使從政也與曰賜也達於從政乎何有曰

求也可使從政也與曰求也藝於從政乎何有孔注本

季氏使閔子騫為費宰閔子騫曰善為我辭焉如有

復我者必在汶上矣孔注本史記仲尼弟子傳引下二句無則吾二字案釋文

鄭本無則吾二字鄭以齊古讀正魯論以史記證之古無則吾二字集解引孔注有之者何據魯也

伯牛有惡疾孔子往問之自牖執其手曰亡也命矣

夫斯人也而有斯疾命矣夫史記仲尼弟子傳案史記無曰亡也句集解

引孔注解此句是古本有之也今注疏本作亡之物觀補遺本作亡也與孔注喪也合

孔子曰賢哉回也一簞食一瓢飲在陋巷人不堪其

憂回也不改其樂賢哉回也史記仲尼弟子傳無末句孔注本有之

再求曰非不說子之道也力不足也子曰力不足者

中道而廢今女晝孔注本高麗本集解之道下有也字



子謂子夏曰汝為君子儒無為小人儒史記仲尼弟子傳

子曰女得人焉耳乎哉孔注本案皇本高麗本經注乎下皆有哉字

行不由徑非公事史記仲尼弟子傳引云行不由徑非公事不見卿大夫下句似約孔

注義 姑闕

子曰孟之反不伐奔而殿將入門策其馬曰非敢後

也馬不進也孔注本 馬注本

子曰不有祝鮀之佞而有宋朝之美難乎免於今之

世矣孔注本

子曰誰能出不由戶者何莫由斯道也孔注本 皇疏本戶下有

者字

文質彬彬文選文賦注引此句下有孔注案說文

份份彬古文質備也从人分聲論語曰文質從古作彬引份份者明古今字異也

子曰人生也直馬注本 皇本無之字

子曰中人以上可以語上也中人以下不可以語上

也王注本

樊遲問知子曰務民之義王注本

問仁子曰仁者先難而後獲可謂仁矣孔注本 皇本作子曰

仁者靜孔注本



子曰觚不觚觚哉觚哉

馬注本 太平御覽卷七百五十九引孔注

宰我問曰仁者雖告之曰井有仁者焉其從之與

孔注 本皇本有仁下有者字也作與

不可陷也

孔注本

可欺也不可罔也

馬注本

子見南子子路不說孔子矢之曰予所不者天厭之

天厭之

孔注本 史記孔子世家作孔子否作不

子貢曰如能博施於民而能濟眾者何如可謂仁乎

子曰何事於仁必也聖乎堯舜其猶病諸夫仁者己

欲立而立人己欲達而達人能近取譬可謂仁之方

也已

孔注本 皇本有作能眾下有者字

為政第四

案皇疏謂古論鄉黨第二雍也第三則為政以下當依序之

子曰詩三百

孔注本

子曰導之以政齊之以刑民免而無恥

孔注本 馬注本 皇本高

麗本釋元應蓮華經音義維摩詰所說經音義文選范蔚宗二十八將傳論引並作導漢石經作道石經用魯論則作導者古文也

子曰吾十有五而志于學三十而立

漢石經于作乎三十作卅則集

解用古本也



四十而不惑五十而知天命孔注本

七十而從心所欲不踰矩馬注本

孟懿子問孝子曰無違孔注本漢石經無母作無者古本也

孟武伯問孝子曰父母唯其疾之憂馬注本

子游問孝子曰今之孝者是謂能養至於犬馬皆能有養不敬何以別乎集解首句引馬曰下並引包曰案漢石經別下無乎字則何

氏參用古本也

子夏問孝子曰色難有事弟子服其勞有酒食先生饌曾是以為孝乎馬注本

子曰吾與回言終日不違如愚退而省其私亦足以發回也不愚孔注本史記仲尼弟子傳引作回也案孔注不違有訓史蓋約文也

子曰視其所以觀其所由察其所安人焉廋哉人焉廋哉孔注本

子曰溫故而知新可以為師矣孔注本

子貢問君子子曰先行其言而後從之孔注本

子曰君子周而不比小人比而不周孔注本

子曰由誨女知之乎知之為知之不知為不知是知也孔注本



子張問干祿孔子曰多聞闕疑慎言其餘則寡尤多

見闕殆慎行其餘則寡悔言寡尤行寡悔祿在其中

矣史記仲尼弟子傳

季康子問政曰苟直錯諸枉則枉者直史記孔子世家

上之二崩舉引古論語

季康子問使民敬忠以勸如之何孔注

子曰人而無信不知其可也孔注

大車無輓小車無軌張參五經文字說文軌字隸省作軌

子張問十世可知也孔注

子曰殷因於夏禮所損益可知也周因於殷禮所損

益可知也其或繼周者雖百世亦可知也馬注本皇本高麗

本世下有亦字

見義不為無勇也孔注



古論語卷三

八佾第五

孔子謂季氏八佾舞於庭是可忍也孰不可忍也馬注本

三家者以雍徹同上

季氏旅於泰山子謂冉有曰汝不能救與馬注本  
皇本高麗本弗作不

子曰君子無所爭必也射乎揖讓而升下而飲其爭也君子孔注本  
王注本馬注本

古論語

卷三

一 鄭媛館補校



子夏問巧笑倩兮美目盼兮素以為絢兮何謂也子

曰繪事後素曰禮後乎孔子曰商始可與言詩已矣

史記仲尼弟子傳 集解巧笑三句引馬注禮後句引孔注

子曰夏禮吾能言之杞不足徵也殷禮吾能言之宋

不足徵也足則吾能徵之矣史記孔子世家

子曰禘自灌自往者吾不欲觀之矣孔注本 史記禮書

或問禘之說子曰不知也孔注本

祭如在祭神如神在孔注本

王孫賈問曰與其媚於奧寧媚於竈何謂也子曰不

然獲罪於天無所禱也孔注本

子曰周監二代禘禘乎文哉吾從周孔注本 史記

字 汗簡卷中之一引古論語郁作禘按說文禘有文章也必有蒸聲是古文省也集解及史記並作郁後人

依隸改

子入大廟秦漢石經皇本經及包注 並作太廟作大者古文

每事問或曰孰謂嗛人之子知禮乎入大廟每事問

子聞之曰是禮也孔注本 史記孔子世家鄭作嗛徐廣注引孔安國亦作嗛

子曰射不主皮為力不同科古之道也馬注本

子曰事君盡禮人以為諂孔注本 高麗本無也字



定公問君使臣臣事君如之何孔子對曰君使臣以

禮臣事君以忠孔注本

子曰關雎樂而不淫哀而不傷孔注本

哀公問社於宰我宰我對曰夏后氏以松殷人以柏

周人以栗曰使民戰栗也孔注本 皇本高麗本戰栗下有也字

孔子語魯太師樂其可知也始作翕如繼之純如皦

如繹如也以成史記孔子世家

出曰二三子何患於喪乎天下之無道也久矣天將

以夫子為木鐸孔注本

子謂韶盡美矣又盡善也謂武盡美矣未盡善也孔注本

里仁第六

子曰里仁為美宅不處仁焉得知文選張乎子思元賦匪仁里其焉宅

兮注引論語語里仁為美宅不處仁王應麟困學紀聞云蓋古文云然

子曰不仁者不可以久處約不可以長處樂孔注本

知者利仁王注本

子曰苟志於仁矣無惡也孔注本

子曰富與貴是人之所欲也不以其道得之不處也



貧與賤是人之所惡也不以其道得之不去也君子

去仁惡乎成名孔注本

君子無終食之間違仁造次必於是顛沛必於是馬注本

子曰我未見好仁者惡不仁者好仁者無以尚之惡

不仁者其為仁矣不使不仁者加乎其身有能一日

用其力於仁者乎我未見力不足者也蓋有之乎我

未之見也孔注本皇本用其力於仁下有者字力

乎之不足者下有也字皇本高麗本並作蓋有

子曰民之過也各於其黨觀過斯知仁矣孔注本皇本高麗

本人作民

子曰朝聞道夕死可矣集解不引舊注案漢石

子曰君子之於天下也無適也無莫也義之與比也

集解不引舊注案釋文適鄭本作敵

子曰君子懷德小人懷土君子懷刑小人懷惠孔注本

句引包注當是魯古並同

子曰放於利而多怨孔注本

子曰參乎吾道一以貫之哉曾子曰唯子出門人問



曰何謂也曾子曰夫子之道忠恕而已矣孔注本皇本高麗

本貫之下有哉字

子曰君子喻於義小人喻於利

子曰父母之年不可不知也一則以喜一則以懼

子曰以約失之者鮮矣並孔注本

子游曰事君數斯辱矣朋友數斯疏矣皇疏集解引孔安國注邢

脫疏

古論語卷四

公治長第七

子謂公治長可妻也雖在累繼之中非其罪也以其

子妻之孔注本史記仲尼弟子傳引作孔子曰長可妻也承土公治長齊人字子長省公治二字非本文茲依集解本

累繼古文從史記

子謂南容國有道不廢國無道免於刑戮以其兄之

子妻之王注本史記仲尼弟子傳邦作國又刑戮下有三復白珪之珪句蓋合兩章用之茲從

集解

孔子謂子賤君子哉魯無君子斯焉取斯史記仲尼弟子傳



集解首句  
引孔注

子貢問曰賜何人也孔子曰汝器也曰何器也曰瑚  
璉也史記仲尼弟子傳集解集解作賜也何如子  
日注曰用孔包二家據魯本參用孔義也茲依

史記

或曰雍也仁而不佞馬注本

子曰焉用佞禦人以口給屢憎於人不知其仁也焉

用佞也孔注本高麗本焉用佞下  
仁下並有也皇本下二句同

孔子使漆彫開仕對曰吾斯之未能信孔子說孔注本

史記仲尼弟子傳引作孔子使開仕承上漆彫開  
字子開言孔注云漆彫姓也茲依之邢本誤作雕

皇本高麗本唐石經  
並作彫與史記合

孔子曰道不行乘桴浮于海從我者其由也與子路

聞之喜馬注本孔注本皇本由下有也字說文引  
孔子曰道不行欲之九夷乘桴浮于海連子

欲居九  
夷言之

子曰由也好勇過我無所取材史記仲尼  
弟子傳

乘康子問孔子曰冉求仁乎曰千室之邑百乘之家

求也可使治其賦仁則吾不仁也復問子路仁乎孔

子對曰如求史記仲尼弟子傳集解本作孟武伯  
問子路仁乎子曰不知也又問子曰由

也千乘之國可使治其賦也不知其仁也求也何  
如子曰求也千室之邑百乘之家可使為之宰也

論語

卷四

二 鄭煥館補校



不知其仁也引孔注注有宰家臣句案集解序云古論唯博士孔安國為之訓說而世不傳然則集解引孔注亦就漢人所引者為言故時有魯本而用孔義者而孔注亦時與史記不合定有後人彙入語司馬遷親從孔安國問史記所引為真古文茲據史記

赤也何如子曰赤也束帶立於朝可使與賓客言也

不知其仁也馬注本

子謂子貢曰汝與回也孰愈對曰賜也何敢望回回

也問一以知十賜也聞一以知二孔注本史記仲尼弟子傳

子曰弗如也吾與女皆不如也鄭元別傳引馬融語案王充論衡問孔

篇後漢書橋元傳章懷太子注並引云吾與女俱不如也集解引包注亦云吾與女俱不如知魯作

俱不如古作皆不如今本脫爾

宰我晝寢子曰朽木不可雕也糞土之牆不可圻也

於子與何誅王注本孔注本史記仲尼弟子傳引至圻也首句作宰我

子曰始吾與人也聽其言而信其行今吾於人也聽

其言而觀其行於子與改是孔注本

子曰棖也慾焉得剛孔注本

子貢曰我不欲人之加諸我也吾亦欲無加諸人也

子曰賜也非爾所及也孔注本馬注本高麗本諸人下有也字

子貢曰夫子之文章可得而聞也夫子言天道與性



命弗可得聞也已史記孔子世家

子路有聞未之能行唯恐有聞孔注本 史記仲尼弟子傳

子貢問曰孔文子何以謂之文也子曰敏而好學不

恥下問是以謂之文也孔注本

子謂子產有君子之道四焉其行己也恭其事也敬

其養民也惠其使民也義孔注本

子曰臧文仲居蔡山節藻粢歐陽詢藝文類聚引作案集解引包作稅

則作粢者古文也

何如其知也孔注本

子張問曰令尹子文三仕為令尹無喜色三已之無

愠色舊令尹之政必以告新令尹何如也子曰忠矣

曰仁矣乎曰未知焉得仁崔子弑齊君陳文子有馬

十乘棄而違之至於他邦則又曰猶吾大夫崔子也

違之之至一邦則又曰猶吾大夫崔子也違之何如

子曰清矣曰仁矣乎曰未知焉得仁孔注本 釋文鄭曰曾讀崔為

高今从上古 皇本高麗本上何如下有也字 高麗本上則下有又字之一邦作之至一邦

子曰禽貳子邦有道則知邦無道則愚其知可及也

其愚不可及也馬孔注本 汗簡卷上 之一禽齊引古論語



孔子在陳曰歸乎歸乎吾黨之小子狂簡斐然成章

吾不知所以裁之史記孔子世家引此章作孔子曰承上孔子在陳也集解引孔注

有孔子在陳知古本有在陳二字歸乎作歸乎不知上有吾字並據史記

孔子曰伯夷叔齊不念舊惡怨是用希孔注本史記伯夷列傳

有孔字

子曰孰謂微生高直或乞醯焉乞諸其鄰而與之孔注本

本

子曰巧言令色足恭左丘明恥之丘亦恥之匿怨而

友其人左丘明恥之丘亦恥之孔注本

顏淵季路侍子曰盍各言爾志子路曰願車馬衣裘

敝之而無感孔注本案唐石經初刻作衣裘旁注輕字北齊書唐邕傳顯祖嘗解服青鼠

皮裘賜邕曰朕意在車馬衣裘與卿共敝用此事亦無輕字陸氏釋文於赤之適齊節音衣為於既

反而此衣字無音是陸本無輕字邢疏云車馬衣裘與朋友共乘服是皇刑二疏本並無輕字也錢氏大昕陳

襄與朋友共乘服皇疏云車馬衣裘共乘服而無所感恨是皇刑二疏本並無輕字也錢氏大昕陳

氏據此四證以輕字為宋人妄加陳氏又據皇疏云按憾當作感今從之

顏淵曰願無伐善無施勞子路曰願聞子之志子曰

老者安之朋友信之少者懷之孔注本

述而第六



子曰述而不作信而好古竊比於我老彭

集解引包曰老彭殷

賢大夫釋文引鄭曰老老即彭祖又漢孔彪碑述而不作彭祖賦詩與包注以老彭為一人者合而以述而二句為老彭詩則又與曾論家說不同知用古文訓也經句據補

子曰德之不脩學之不講聞義不能徙不善不能改

是吾憂也

孔注本史記孔子世家

子之燕居申申如也天天如也

馬注本

子曰甚矣吾衰也久矣吾不復夢見周公也

孔注本皇本

公下有也字

子曰志於道據於德依於仁游於藝

集解不引舊注案漢石經游

子曰自行束脩以

吾未嘗無誨焉

孔注本釋文鄭曰誨曾讀為

子曰不憤不啓舉一隅不以三隅反則弗復也

史記孔子

世家

食於有喪者之側未嘗飽也是日哭則不歌

同上

子謂顏淵曰用之則行捨之則藏唯我與爾有是夫

孔注本史記仲尼弟子傳舍作捨惟作唯據用

子路曰子行三軍則誰與子曰暴虎馮河死而無悔



子曰述而不作信而好古竊比於我老彭

集解引包曰老彭殷

賢大夫釋文引鄭曰老老即彭祖又漢孔彪碑述而不作彭祖賦詩與包注以老彭為一人者合

而以述而二句為老彭詩則又與曾論家說不同知用古文訓也經句據補

子曰德之不脩學之不講聞義不能徙不善不能改

是吾憂也

孔注本史記孔子世家

子之燕居申申如也天天如也

馬注本

子曰甚矣吾衰也久矣吾不復夢見周公也

孔注本皇本

公下有

子曰志於道據於仁游於藝

集解不引舊注案漢石經游

作遊此亦用古文

子曰自行束脩以上吾未嘗無誨焉

孔注本釋文鄭曰誨曾讀為

悔字今從古

子曰不憤不啓舉一隅不以三隅反則弗復也

史記孔子

世家

食於有喪者之側未嘗飽也是日哭則不歌

同上

子謂顏淵曰用之則行捨之則藏唯我與爾有是夫

孔注本史記仲尼弟子傳舍作捨惟作唯據用

子路曰子行三軍則誰與子曰暴虎馮河死而無悔



者吾不與也必也臨事而懼好謀而成者也孔注本

子曰富貴如可求雖執鞭之士吾亦為之如不可求

從吾所好史記伯夷列傳

子之所慎齋戰疾孔注本史記孔子世家無子之二字承上孔子齊作齋

子在齊聞韶音學之三月不知肉味史記孔子世家引無子在齊三

字承上孔子適齊也據集解本補

曰不圖為樂之至於斯也王注本

冉有曰夫子為衛君乎子曰諾吾將問之入曰伯

夷叔齊何人也子曰古之賢人也曰怨乎曰求仁得

仁又何怨乎出口夫子不為也孔注本皇本高麗本古之上作子曰

史記伯夷列傳作求仁得仁又何怨乎皇本高麗本有乎字

子曰飯蔬食飲水曲肱而枕之樂亦在其中矣孔注本

子曰假我數年若是我於易則彬彬矣史記孔子世家釋文魯

讀易為亦今從古

子所雅言詩書執禮皆雅言也集解上句引孔注云雅言正言也下二句

引鄭注云必正言其音是古曾經文同解義少別

葉公問孔子於子路子路不對孔子聞之曰由爾何

不對曰其為人也學道不倦詢人不厭發憤忘食樂



以忘憂不知老之將至云爾史記孔子世家解首二句用孔注集

子不語怪力亂神馬注本史記孔子世家

子曰三人行必得我師史記孔子世家

孔子曰天生德於予桓魋其如予何

孔子以四教文行忠信並同上

子曰善人吾不得而見之矣得見有恒者斯可矣亡

而為有虛而為盈約而為泰難乎有恒矣孔注本

子鈞而不綱弋不射宿

多聞擇其善者而從之多見而識之知之次也

子曰與其進也不與其退也唯何甚並同上

陳司敗問孔子曰昭公知禮乎孔子曰知禮退而揖

巫馬旗曰吾聞君子不黨君子亦黨乎魯君娶於吳

為同姓謂之吳孟子魯君而知禮孰不知禮施以告

孔子孔子曰正也幸苟有過人必知之集解此章用孔注史記仲

尼弟子傳亦載互有不同史記昭公上有魯字案孔注昭公魯昭公也知魯字據注補又陳司敗

問下有孔子曰退上無孔子作退而揖巫馬旗曰下無而進之三字今據用又下作魯君娶吳女為

夫人命之為禮孰不知禮施以告孔子孔子曰下

同史參孔注非論語原文今唯補二魯字及施以告孔子句及下孔字

占論吾

卷四

八鄉壇館補校



使人歌善則使復之然後和之

史記孔子世家

子曰文莫吾猶人也躬行君子則吾未之有得也

注孔

本皇本高麗本得下有也字

子曰若聖與仁則吾豈敢抑為之不厭誨人不倦則

可謂云爾已矣公西華曰正唯弟子不能學也

孔注本馬

注本釋文鄭曰魯讀正為誠今從古

子疾病子路請禱子曰有諸子路對曰有之諷曰禱

爾于上下神祇子曰正之禱久矣

孔注本說文解字諷禱也累功德

以求福論語曰禱爾于于上下神祇茲據改

子曰奢則不孫儉則固與其不孫也寧固

孔注本

子曰君子坦蕩蕩小人長戚戚

釋文鄭曰魯讀坦蕩為坦湯今從古



古論語卷五

泰伯第九

子曰泰伯其可謂至德也已矣三以天下讓民無得而稱焉王注本

子曰恭而無禮則勞慎而無禮則患勇而無禮則亂

直而無禮則絞馬注本 汗簡卷中之二 二患先子切引古論語

君子竺於親汗簡卷下之二 竺篤古論語

矜予之足說文引 論語

詩云戰戰兢兢如臨深淵如履薄冰孔注本

古論語

卷五

一 娜嬛館補校



曾子有疾孟敬子問之馬注本

昔者吾友嘗從事於斯矣馬注本

曾子曰可以侏六尺之孤可以寄百里之命孔注本 上篇

引作侏說文解字云侏寄也是古文

仁以為己任不亦重乎死而後已不遠乎孔注本

成於樂孔注本

人而不仁疾之已甚亂也孔注本

子曰如有周公之才之美設使驕且吝其餘不足觀

也已矣孔注本 皇本使上有設字已下有矣字高麗本亦有矣字

子曰三年學不至於穀不易得也孔注本

子曰不在其位不謀其政同上

子曰狂而不直侗而不愿

吾不知之矣並孔注本案集解此章上下三句皆引孔注獨控控而不信句引包鄭注似

古論無控控句

子曰大哉堯之為君也巍巍乎惟天為大唯堯則之

孔注本

舜有臣五人而天下治孔注本

武王曰予有亂十人馬注本 釋文予有亂十人或作亂臣十人非

論語 卷五 二 鄭館補校



孔子曰才難不其然乎唐虞之際於斯為盛有婦人焉九人而已孔注本

子曰禹吾無間然矣菲飲食而致孝乎鬼神惡衣服而致美乎黻冕孔注本馬注本

子罕第十

子罕言利與命與仁史記孔子世家

達巷黨人童子曰大哉孔子博學而無所成名子開之曰我何執執御乎執射乎我執御矣同上子曰麻冕禮也今也純儉吾從眾孔注本

拜下禮也今拜乎上泰也雖違眾吾從下馬注本

子絕四毋意毋必毋固毋我史記孔子世家引無子字承上文孔子韓愈

筆解引王注

孔子曰文王既沒文不在茲乎天之將喪斯文也後

死者不得與于斯文也天之未喪斯文也匡人其如

予何孔注本馬注本史記孔子世家引云匡人拘孔子益急弟子懼孔子曰云云止似約孔注意

集解於子畏於匡句引包注必與古文不同

大宰問於子貢曰夫子聖者與何其多能也子貢曰

固天縱之將聖又多能也孔注本



子曰子云吾不試故藝史記孔子世家

也我叩其兩端而竭焉孔注本皇本夫下有來字

子曰鳳鳥不至河不出圖籬不出書吾已矣夫史記孔子

世家引無鳳鳥不至何有籬不出書何集解本有鳳鳥句引孔注亦有訓說而無籬不出書句蓋史記節錄集解用魯論本也

見齊衰瞽者雖童必變史記孔子世家案釋文引鄭曰魯讀弁為絕今從古云

鄉黨篇亦然史記引無弁字集解於此章引包注蓋魯論此章及鄉黨篇皆有見冕者句故依魯篇於此言從古據史記則此章無之僅鄉黨篇有見弁者句也

顏淵喟然歎曰仰之彌高鑽之彌堅瞻之在前忽焉

在後夫子循循然善誘人博我以文約我以禮欲罷

不能既竭我才如有所立卓爾雖欲從之蔑由也已

史記孔子世家集解博我以文下引孔注作吾才作未由何依魯本

子疾病子路使門人為臣病問曰久矣哉由之行詐

也無臣而為有臣吾誰欺欺天乎且予與其死於臣

之手也無寧死於二三子之手乎且予縱不得大葬

予死於道路乎孔馬注本

子貢曰有美玉於斯韞匱而藏諸求善賈而沽諸子

四婢嬾館補校



曰沽之哉沽之哉我待賈者也

集解上四句引馬注子曰以下引包注

案漢石經沽作買包注亦作沽並用古文

子欲居九夷或曰陋如之何子曰君子居之何陋之

有

馬注本

子曰吾自衛反魯然後樂正雅頌各得其所

史記孔子世家

子曰出則事公卿入則事父兄喪事不敢不勉不為

酒困何有於我哉

馬注本

孔子曰吾未見好德如好色者也

史記孔子世家

子曰譬如為山未成一簣止吾止也譬如平地雖覆

一簣進吾往也

馬注本

子謂顏淵曰惜乎吾見其進也未見其止也

皇本集解引馬

注

子曰苗而不秀者有矣夫秀而不實者有矣夫

孔注本

子曰法語之言能無從乎改之為貴異與之言能無

說乎繹之為貴說而不繹從而不改吾未如之何也

已矣

孔馬注本

子曰主忠信無友不如己者過則勿憚改

集解不引舊說案

學而篇君子不重則不威學則不固下有此三句孔注上三句此三句無注學而篇古論無此三句



也此章有子曰古文當在此

子曰三軍可奪帥也匹夫不可奪志也孔注本

子曰衣弊緼袍與衣狐貉者立而不恥者其由也歟

史記仲尼弟子傳孔注本案說文解字引論語作弊皇本高麗本並作弊汗簡卷中之二錄貉引古論語史記及邢本並作敝史記作狐貉疏本作狐貉者並漢隸傳寫而改今依說文汗簡與作歟從史記

不佞不求何用不臧子路終身誦之子曰是道也何

足以臧馬注本

子曰歲寒然後知松柏之後凋史記伯夷列傳

仁者不憂孔注本

子曰可與共學未可與適道可與適道未可與立可

與立未可與權筆解引孔注



古論語卷六

先進第十一

子曰先進於禮樂野人也後進於禮樂君子也如用之則吾從先進

邢本集解引孔注

德行顏淵閔子騫冉伯牛仲弓政事冉有季路言語宰我子貢文學子游子夏

史記仲尼弟子傳司馬貞索隱曰論語一曰德行二曰言語三曰政事四曰文學今此文政事在言語上是其記有異也案史記依古論語故與魯不同

子曰回也非助我者也於吾言無所不說

孔注本

孔子曰孝哉閔子騫人不間於其父母兄弟之言

史記



仲尼弟子傳 汗簡卷 上之二 鬲昆古論語

南容三復白珪之玷孔子以其兄之子妻之 孔注本 史記

仲尼弟子傳引無南容及孔子四字承上文圭作珪下有之玷二字與孔注合集解無者何依魯論也

顏淵死顏路請子之車以為之槨 孔注本 史記仲尼弟子傳作顏回

死顏路貧請孔子車以葬 約用孔義槨字依史記改

孔子曰材不材亦各言其子也鯉也死有棺而無槨 吾不徒行以為之槨以吾從大夫之後不可以徒行

史記仲尼弟子傳 集解引孔注材作才槨 並作梓末句作不可徒行也何氏參用魯本

顏淵死子哭之慟從者曰子慟矣曰有慟乎非夫人

之為慟而誰為慟 馬孔注本 皇本高麗本為下有 慟字陳氏鱣 曰按文選夏侯常侍

誅云非子為慟吾慟為誰是 古本 有慟字 史記引孔子哭之 慟句

顏淵死門人欲厚葬之子曰不可門人厚葬之子曰

回也視予猶父也予不得視猶子也非我也夫二三

子也 馬注本

季路問事鬼神子曰未能事人焉能事鬼曰敢問死

曰未知生焉知死 劉峻世說新語簡傲篇注引馬注 皇邢本唐宋石經敢問上並有

字曰



子路侃侃如也說文解字引論語

曰若由也不得其然孔注本皇本若上有曰字按漢書叙傳

注引有曰字

魯人爲長府閔子騫曰仍舊貫如之何何必改作文釋

鄭曰魯讀仍爲仁今從古

子曰夫人不言言必有中馬注本

子曰由之鼓瑟奚爲於丘之門門人不敬子路子曰

由也升堂矣未入於室也馬注本史記仲尼弟子傳引由也升堂二句皇

本高麗本由之下有鼓字與馬注合

子貢問師與商也孰賢子曰師也過商也不及然則

師愈與曰過猶不及史記仲尼弟子傳集解上四句引孔注

季氏富於周公而求也爲之聚斂而附益也孔注本皇本

作附益也

師也僻參也魯柴也愚由也哂回也屢空賜不受命

而貨殖焉億則屢中史記仲尼弟子傳索隱云論語先言柴次參次師次由今此

傳序之亦與論語不同不得輒言其誤也案小司馬謂史記不誤者蓋以本之古論特未明言耳

集解參也句引孔注師也句引馬注

子張問善人之道子曰不踐迹亦不入於室孔注本



冉求問曰聞斯行諸子曰行之子路問聞斯行諸子曰有父兄在如之何其聞斯行之史記仲尼弟子傳

集解子曰二句引孔注

公西華曰由也問聞斯行諸子曰有父兄在求也問

聞斯行諸子曰聞斯行之赤也惑敢問孔注本史記仲尼

傳云子華怪之敢問問同而答異正用孔注惑其問同而答異也之語

孔子曰求也退故進之由也兼人故退之史記仲尼弟子傳

子畏於匡顏淵後子曰吾以汝為死矣顏淵曰子在

回何敢死集解首二句引孔注史記仲尼世家引顏淵已下

季子然問仲由冉求可謂大惡與子曰吾以子為異

之問會由與求之問所謂大惡者以道事君不可則

止今由與求也可謂具惡矣曰然則從之者與子曰

弑父與君亦不從也孔注本釋文愚古文臣字本

子路使子羔為費郈宰孔子曰賊夫人之子子路曰

有民人焉有社稷焉何必讀書然後為學孔子曰是

故惡夫佞者史記仲尼弟子傳案集解首三句引包注子路曰以下引孔注知魯論作費

宰古論作費郈宰也

子路曾皙冉有公西華侍坐子曰以吾一日長乎爾



毋吾以也居則曰不吾知也如或知爾則何以哉注孔

本

夫子哂之馬注本

求爾何如對曰方六七十如五六十求也為之比及

三年可使足民如其禮樂以俟君子孔注本

歲爾何如鼓瑟希鏗爾舍瑟而作對曰異乎三子者

之撰子曰何傷乎亦各言其志也孔注本 據史記 歲

曰莫春者春服既成冠者五六人童子六七人浴乎

沂風乎舞雩詠而饋孔子喟爾歎曰吾與歲也史記仲尼

列傳引春服以下 釋文鄭曰魯讀饋為歸今從古史記用今本作歸案 徐廣注一作饋是古本史記亦作饋也

唯求則非邦也與安見方六七十如五六十而非邦

也者唯赤則非邦也與宗廟之事如會同非諸侯如

之何赤也為之小相孰能為之大相孔注本 宗廟至如之何小下

大下並有相字 用皇本高麗本

顏淵第十二

顏淵問仁子曰克己復禮為仁一日克己復禮天下

歸仁焉為仁由己而由人乎哉孔馬注本 史記仲尼弟子傳引克己復



禮天下歸仁焉二句

顏淵曰回雖不敏請事斯語矣王注本

仲弓問政孔子曰出門如見大賓使民如承大祭在

邦無怨在家無怨史記仲尼弟子傳引作問政孔子曰無己所不欲二句何氏本作

問仁引孔注云為仁之道莫尚乎敬史記裴駰集解亦引孔安國曰莫尚乎敬無為仁之道句意何氏就魯本增改又何氏於己所不欲二句不引孔注古論無之也

司馬牛問仁於孔子孔子曰仁者其言也訥曰其言

也訥斯可謂之仁乎子曰為之難言之得無訥乎孔注

本史記仲尼弟子傳問仁下有於孔子孔四字斯下有可字說文解字訥字注引其言也訥句

司馬牛問君子子曰君子不憂不懼曰不憂不懼斯

可謂之君子乎子曰內省不疚夫何憂何懼孔注本史記

仲尼弟子傳斯下有可字乎上無已字

子張問明子曰浸潤之譖膚受之愬不行焉可謂明

也已矣浸潤之譖膚受之愬不行焉可謂遠也已矣

馬注本

子貢問政子曰足食足兵令民信之矣子貢曰必不

得已而去於斯三者何先曰去兵曰必不得已而去

於斯二者何先曰去食自古皆有死民無信不立孔注



本皇本民信上有  
令字無下子貢二字

棘子成曰君子質而已矣何以文為子貢曰惜乎夫

子之說君子也駟不及舌集解鄭注引舊說案漢書  
古今人表作革子成依魯

作革則作棘  
者古文也

文猶質也質猶文也虎豹之鞞猶犬羊之鞞也孔注  
本

說文解字引虎豹之鞞从革鞞聲今作  
鞞俗省 皇本高麗本末句有也字

哀公問於有若曰年饑用不足如之何有若對曰盍

徹乎曰二吾猶不足如之何其徹也對曰百姓足君

孰與不足百姓不足君孰與足集解曰二己下引孔  
注上引鄭注案釋文

饑鄭本作飢今作  
饑知通用孔本

齊景公問政於孔子孔子對曰君君臣臣父父子子

景公曰善哉信如君不君臣不臣父不父子不子雖

有粟吾豈得而食諸孔注本 史記孔子世家作景  
公曰吾下有豈字 皇本高麗

本並有  
豈字

孔子曰片言可以折獄者其由也與孔注本 史記  
仲尼弟子傳有

孔字 釋文鄭曰魯  
讀折為制今从古

必也使無訟乎王注  
本

子張問政子曰居之無倦行之以忠同  
上



季康子患盜孔子曰苟子之不欲雖賞之不竊孔注

史記孔子世家無季字承上季康子依集解補無問於孔子四字當是古論原無依史記

季康子問政於孔子曰如殺無道以就有道何如孔

子對曰子為政焉用殺子欲善而民善矣君子之德

風也小人之德艸也艸尚之風必偃孔注本皇本

德風德艸下並有也字上作尚釋文云尚本或作上

子張問士何如斯可謂之達矣孔子曰何哉爾所謂

達者子張對曰在國必聞在家必聞孔子曰是聞也

非達也夫達者質直而好義察言而觀色慮以下人

在國及家必達夫聞也者色取仁而行違居之不疑

在國及家必聞史記仲尼弟子傳集解夫達以下引馬注皇本高麗本夫達下無也

字與史記合

樊遲從遊於舞雩之下曰敢問崇德修慝辨惑子曰

善哉問先事後得非崇德與攻其惡毋攻人之惡非

修慝與一朝之忿忘其身以及其親非惑與孔注本皇本

高麗本無作毋

樊遲問仁子曰愛人問智曰知人史記仲尼弟子傳

子夏曰富哉言乎舜有天下選於衆舜舉陶不仁者



遠矣湯有天下選於衆伊尹不仁者遠矣

孔注本  
伊字依

汗  
簡

曾子曰君子以文會友以友輔仁

孔注  
本

齊論語一卷案漢志論語十二家齊二十二篇多問

王知道又云傳齊論者昌邑中尉王吉少府宋畸御

史大夫貢禹尚書令五鹿充宗膠東庸生唯王陽名

家隋唐志不著錄佚已久攷漢書王吉傳用論語二

事貢禹傳引一事此齊學之底本又陸德明經典釋

文叙錄云齊論語齊人所傳董仲舒廣川人地屬齊

漢書本傳對策及所著春秋繁露多引論語與魯古

不同而與王吉所引有合確為齊論語又釋文云按

鄭校周之本以齊古讀正凡五十事陸氏載鄭從亡



者十餘條他引鄭本不言所從鄭以齊古注魯其與古不同者為魯而與魯不同者皆齊同於古也又說文初學記等書引逸論語詳言玉事王應麟謂問王疑即問玉朱氏經義考定為問玉篇又白虎通禮記正義玉篇路史等引論語或今論所無及字句異者亦為齊論之佚並據輯補與魯古二論比次參觀同異庶漢師門戶見梗概焉歷城馬國翰竹吾甫

齊論語

學而第一

朋友自遠方來

白虎通引作朋友 何晏集解引包咸曰同門曰朋 周易下經蹇正義

引鄭元論語注曰同門曰朋同志曰友包鄭皆注魯論而鄭注異者陸德明釋文云按鄭按周之本以齊古讀正凡五十事其明言從古者皆輯入古論凡與魯異而不言從古者齊古同也據輯後放此

孔子曰道千乘之國敬事而信

董仲舒春秋繁露竹林篇 案釋文云齊

論語齊人所傳董廣川人地在齊所引論語與魯古不同定為齊論後放此

為政第二



而衆星拱之

釋文共  
鄭作拱

孔子曰導之以政齊之以刑民免而無恥

漢書董仲舒傳對策

先生餽

釋文饌鄭作餽食餘曰餽集解經作饌注引包馬鄭本作餽不與魯古同

舉直指諸枉

釋文云錯鄭本作措云投也案與包異

孔子曰殷因於夏禮所損益可知也周因於殷禮所

損益可知也其或繼周者雖百世可知也

漢書董仲舒傳

八佾第三

孔子曰吾不與祭祭神如神在

春秋繁露郊祭篇

孔子入太廟每事問

春秋繁露郊祭篇

孔子曰韶盡美矣又盡善矣

漢書董仲舒傳

孔子曰武盡美矣未盡善矣

同上

居上不寬爲禮不敬

春秋繁露基義篇云以自治之節治人是居上不寬也以治人

之度自治是爲禮不敬也

里仁第四

無敵也無莫也

釋文適鄭本作敵莫鄭音慕

孔子曰德不孤必有鄰

漢書董仲舒傳

公冶長第五

胡輦也

漢魯相韓勅脩孔廟禮器碑胡輦器用洪遵隸釋曰胡輦者瑚璉也案史記仲尼弟子

齊論語

鄉壤館補校



傳及何氏集解引包注並作瑚璉則作胡輦齊論也

孔子曰腐朽之木不可彫也糞土之牆不可圻也漢書

董仲舒傳案史記仲尼弟子傳及何氏集解引包注並作朽木董所引者定為齊論

申棠後漢王政碑有羔羊之潔無申棠之欲案集解引包孔注並作申棖則作棠者齊論也

棠也欲見上

雍也第六

必在汶上矣釋文云鄭本無則吾二字

述而第七

假我數年卒以學易朱子集注云劉聘君見元城劉忠定公自言嘗讀他論即作假

五十作卒案史記孔子世家假我數年若是我於易則彬彬矣加立作假而無五十字史記用古論則元城所謂他論者齊論語也

孔子曰奢則不遜儉則固漢書董仲舒傳

泰伯第八

唯天為大唯堯則之春秋繁露郊祭篇

巍巍乎其有成功也同上

子罕第九

孔子曰鳳鳥不至河不出圖吾已矣夫漢書董仲舒傳

求善賈而及諸顧野王玉篇二作乃案漢石經用魯論沽作賈集解經倦沽引馬注占

齊論語

三鄉嬛館補校



文同知玉篇引  
作及者齊論也

子欲居九夷從鳳嬉

羅泌路史引逸論語  
云齊論章句頗多於魯論此所

引多魯論一  
句齊論語也

孔子在川上曰逝者如斯夫不舍晝夜

春秋繁露  
山川頌

棠棣之華偏其反而豈不爾思室是遠而子曰未之

思也夫何遠之有

春秋繁露  
竹林篇

鄉黨第十

色艷如也

許慎說文解字引論語色艷如也又引論語色艷如也案郭忠恕汗簡卷中之二艷引古論語集解色勃如也引包

朋友無所歸生於我乎館死於我乎殯

白虎通引論語案章句

多於魯論與孔  
注古文復異

先進第十一

揖爾

玉篇引論語案集解依魯論作鏗引孔注同作揖者齊論也

顏淵第十二

君子之德風也小人之德也也也上之風必偃

漢書董仲舒

舒傳

舜有天下選於衆舉臯陶不仁者遠矣湯有天下選

於衆舉伊尹不仁者遠矣

漢書王吉傳云舜湯不用三公九卿之世而舉臯陶



伊尹不仁者遠案王吉字子陽始傳齊論其經句未知與魯古有日異否姑依今論錄之

子路第十三

子之于也釋文迂鄭作于往也與包注異

孔子曰如有王者必世而後仁漢書董仲舒傳

朋友切切節節兄弟熙熙詩小雅棠棣葛藟傳兄弟尚恩怡怡然朋友以義切

切然孔穎達正義云此熙熙當彼怡怡節節當彼德也定本熙熙作怡怡節節作怡怡節節當彼俗本誤阮氏按勘記云毛所據論自作熙熙節節定本乃改之以合於其時行世之論語非也案集解引馬詩正義引鄭並作怡怡則毛所用齊論語也

憲問第十四

彼哉彼哉玉篇引論語與集解作彼引馬不同

子貢謗人釋文方人鄭本作謗

丘何是栖栖者與釋文丘何鄭作丘何是案與包異

高宗諒闇三年不言漢書王吉傳引作闇春秋繁露竹林篇後漢書張禹傳注引鄭同

衛靈公第十五

在陳絕糧釋文糧鄭本作張音張

孔子曰亡為而治者其舜乎漢書董仲舒傳

子曰人而不日如之何如之何者吾未如之何也矣

齊論語



春秋繁露  
執贄篇

孔子曰人能弘道非道弘人

漢書董仲舒傳

季氏第十六

朱子集注洪氏曰此篇或以為齊論

不患貧而患不均

春秋繁露度制篇

政逮於大夫四世矣

春秋繁露玉杯篇引云蓋自文公以來之謂也

君子樂節禮樂

漢書貢禹傳引論語案漢志貢禹傳齊論語

陽貨第十七

磨而不鄰

漢州輔碑引作鄰

微子第十八

侏張

釋文朱張鄭作侏張案與包異

發中權

釋文廢鄭作發發動也

子張第十九

未信則以為賴己也

釋文鄭曰厲讀為賴恃賴也

大德無踰閑小德出入可

春秋繁露竹林篇

君子之道焉可憮也

漢書薛宣傳引作憮蘇林注憮同也兼也

有始有卒者其唯聖人

漢書董仲舒傳

綏之斯徠動之斯和

同上

堯曰第二十

齊論語

六 鄒煥館補校



堯謂舜曰天之歷數在爾躬

春秋繁露郊祭篇

不教而誅謂之虐

漢書董仲舒傳

孔子曰不知命亡以為君子

同上 案釋文鄭曰魯論無此章今從古集解

有此章用孔馬注是古文之證董引首節無作亡無也字又與古少異是董用齊論語之確證

問玉第二十二

漢書藝文志論語齊二十二篇注多問玉知道王應麟曰問玉

疑即問玉朱氏經義考云今逸論語見於說文初學記文選注太平御覽等書其論玉之屬特詳竊疑齊論所逸二篇乃問玉非問玉也考之篆法三畫正均者為王中畫近上者為王初無大異因譌玉為王耳

子貢問於孔子曰敢問君子貴玉而賤珉者何也為

玉之寡而珉之多與孔子曰非為珉之多故賤之也

玉之寡故貴之也夫昔者君子比德於玉焉溫潤而

澤仁也縝密以栗知也廉而不剌義也垂之如隊禮

也叩之其聲清越以長其終詘然樂也瑕不揜瑜瑜

不揜瑕忠也孚尹旁達信也氣如白虹天也精神見

于山川地也圭璋特達德也天下莫不貴者道也詩

云言念君子溫其如玉故君子貴之也

禮記聘義張甄陶四書

翼注論文以此為問玉篇文

璠璣魯之寶玉也孔子曰美哉璠璣遠而望之煥若

齊論語

七 鄉嬛館補校



也近而視之瑟若也一則理勝一則孚勝徐堅初學記卷二十

七太平御覽卷八百四並引逸論語

玉十謂之區治玉謂之琢亦謂之雕原注雙玉為鼓五鼓為區雕治

璞也鼓音角瑳玉色鮮白也瑩玉色也瑛玉光也瓊赤玉

也璿瑾瑜美玉也無原注舞三采玉也玲瑯瑱瑱原注

鏗玉聲也璫玉佩也瑱充耳也璪玉飾以水藻也同上

玉如瑩也初學記卷二十七文選宋玉女賦李善注引作如玉之瑩

玉粲之璫兮其璪猛也許慎說文解字玉部引逸論語

知道第二十二無考

佚句

大夫退死葬以士禮禮記王制正義



論語孔氏訓解十卷漢孔安國撰案孔子家語後序  
 安國字子國孔子十二世孫年四十為諫議大夫遷  
 侍中博士天漢後魯恭王壞夫子故宅得壁中詩書  
 悉以歸子國子國乃考論古今文字撰眾師之義為  
 古文論語訓解十一篇何晏集解云古論唯博士孔  
 安國為之訓解而世不傳隋書經籍志唐書藝文志  
 皆不著錄僅見集解所引輯其散佚並以皇侃疏本  
 高麗本與邢昺疏本文字異者參定以復其舊史記  
 說文引稱皆古文亦據採入仍其篇目為十一卷後



漢馬融亦為古文訓說別輯比次合二書而觀之庶幾古論之學亡而不亡也歷城馬國翰竹吾甫

論語孔氏訓解卷一

漢 孔安國 撰

學而第一

有子曰

弟子有若也

何晏集解

子夏曰賢賢易色

子曰弟子卜商也言以好色之心好賢則善也

集解

事父母能竭其力事君能致其身

盡忠節不愛其身也

集解



子曰君子不重則不威學則不固

固蔽也一曰人言不敦重既無威學不能堅固識

其義理也

集解

曾子曰慎終追遠民德歸厚矣

慎終者喪盡其哀也追遠者祭盡其敬也人君能

行此二者民化其德而皆歸於厚也

集解

子曰父在觀其志父沒觀其行三年無改於父之道

可謂孝矣

父在子不得自專故觀其志而已父沒乃觀其行

也孝子在喪哀慕猶若父在無所改於父之道也

集解

因不失其親亦可宗也

因親也言所親不失其親亦可宗敬也

集解○史記仲尼弟

子傳裴駟集解

敏於事而慎於言就有道而正焉

敏疾也有道者謂有道德者也正謂問事是非也

集解

子貢問曰富而無驕貧而無諂何如孔子曰可也

史記



仲尼弟子傳子貢下有問字富而

未足多也集解○史記仲尼弟子傳集解

未若貧而樂道富而好禮者也唐石經及皇侃本高麗本樂下有道字案

鄭注魯論本無道字集解兼采古論下引孔曰能貧而樂道是孔注古論本有道字司馬遷從孔安國問古文尚書史記引論語亦是古論仲尼弟子傳引論語曰不如貧而樂道正與孔合注句據補

不如貧而樂道富而好禮史記仲尼弟子傳

子貢曰詩云如切如磋如琢如磨其斯之謂與

能貧而樂道富而好禮者能自切磋琢磨者也集解

子曰賜也始可與言詩已矣告諸往而知來者

諸之也子貢引詩以成孔子義善取類故然之往

告之以貧而樂道來答以切磋琢磨者也集解

鄉黨第二皇侃義疏序云古論語鄉黨第二

朝與上大夫言闇闇如也與下大夫言侃侃如也史記

孔子世家引與上大夫言二句在與下大夫言上今依之

闇闇中正貌也侃侃和樂貌也集解○史記孔子世家集解○文選

李蕭遠連命論注引首句

入公門鞠躬如也史記孔子世家引此在君召使擯上今依之

斂身也集解○釋元應雜寶經音義



立不中門行不履闕

許慎說文解字引論語不履闕古文闕作闕

闕門限也

集解○陸德明釋文○文選班孟堅西都賦注○依說文當作闕何晏從隸改

過位色率如也足躩如也其言似不足者

許慎說文解字率鼻

也从宋人色也从子論語色率如也又艷色怒也从色弗聲論語色艷如也案許君用古論語率古

文勃字艷蓋齊論語字兩引之者存異文也

率鼻也

據說文補必變色也集解○史記孔子世家集解

攝齋升堂鞠躬如也屏氣似不息者

山井鼎攷異作攝齋注同

皆重慎也衣下曰齋攝齋握衣也

集解

出降一等逞顏色怡怡如也

先屏氣下階舒氣故怡怡如也

集解

沒階趨進趨如也

儀禮聘禮注士相見禮疏禮記曲禮正義史記孔子世家引俱有進

字○說文解字作趨如也

沒盡也下盡階也

集解

復其位踧踖如也

來時所過位也

集解

君召使擯色率如也

史記孔子世家引此在入公門後今依之

趨進趨如也

說文解字翼作趨

言端正也

集解



私債愉愉如也

說文解字引論語案說文無覲字有債字據此當作債

債見也

據說文補

君子不以紺緞飾

一入曰緞飾者不以爲領袖緣也紺者齊服盛色

不以爲飾似衣齊服也緞者三年練以緞飾衣爲

其似喪服故皆不以飾衣也

集解

當暑衫絺綌必表而出之

暑則單服絺綌葛也必表而出加上衣也

集解○文選王

子淵聖主得賢臣頌注引次句

緇衣羔裘素衣麕裘黃衣狐裘

服皆中外之色相稱也

集解

結衣長短右袂

說文解字引論語襲裘作結衣據此古論語作結衣

私家裘長主温也短右袂便作事也

集解

必有寢衣長一身有半

今被也

集解○案說文解字被寢衣長一身有半此可五証

狐貉之厚以居

說文解字引論語

貉似狐善睡獸

據說文補

去喪無所不佩



去除也非喪則備佩所宜佩也集解

羔裘玄冠不以弔

喪主素吉主玄吉凶異服故不相弔也集解

吉月必朝服而朝

吉月月朔也朝服皮弁服也集解

齊必有明衣布

以布為沐浴衣也集解

齊必變食

改常食也集解

居必遷坐

易常處也集解

食饘而餲

饘餲臭味變也集解

魚餒而肉敗不食

魚敗曰餒也集解○史記孔子世家集解

失飪不食

失飪失生熟之節也集解

不使勝食既說文解字引論語



既小食也據說文補

不撤薑食

撤去也齊禁葷物薑辛而不葷故不去也集解○文選潘

安仁笙賦注引首句

不多食

不過飽也集解

雖疏食菜羹瓜祭必齊如也

齊嚴敬貌也三物雖薄祭之必敬也集解

鄉人飲酒杖者出所出矣

杖者老者也鄉人飲酒之禮主於老者老者禮畢

出孔子從而後出也集解

鄉人儻朝服而立於阼階

儻驅逐疫鬼也恐驚先祖故朝服立廟之阼階也集解

問人於他邦再拜而送之

拜送使者敬之也集解

康子饋藥拜而受之曰丘未達不敢嘗

未知其故故不嘗禮也集解



君賜食必正席先嘗之

敬君惠也既嘗之乃以班賜也集解

君賜勝必熟而薦之

說文解字勝不熟也醒星見食豕令肉小息也陳氏鱸曰按此

當作勝今依之

勝不熟也據說文補薦薦其先祖也集解

朝服衽紳說文解字引論語

紳大帶也文選蔡伯喈郭有道碑注引孔安國

朋友死無所歸曰於我殯

重朋友之恩也無所歸無親昵也集解

朋友之饋雖車馬非祭肉不拜

不拜有通財之義也集解

居不客釋文居不客本或作容唐石經作客

為室家之敬難久也集解

見齊衰者雖狎必變見弁者與瞽者雖褻必以貌釋文

鄭曰魯讀弁為纒今从古

狎者素相親狎也集解

凶服者式之式負版者

凶服者送死之衣物也負版持邦國之圖籍者也



集解○文選謝靈運  
華子岡詩注引末句

有盛饌必變色而作

作起也敬主人之親饋也集解

三獻而作顧野王玉篇引論語案說文無嗅字有饌

古文

論語孔氏訓解卷二

雍也第三皇侃義疏序云古  
論語雍也第三

子曰雍也可使南面

仲弓問子桑伯子子曰可也簡

以其能簡故曰可也集解○皇本無簡略也  
孔曰今從邢本  
文選  
稽叔

夜絕交  
書注

仲弓曰居敬而行簡以臨其民不亦可乎

居身敬肅臨下寬略則可也集解

與之粟九百辭



九百九百斗也辭讓不受也集解

子曰毋

祿法所當受無以讓也集解

賜也達

達謂通於物理也集解

求也藝

藝謂多才能也集解

季氏使閔子騫為費宰

費季氏邑也季氏不臣而其邑宰數畔聞閔子騫

賢故欲用也集解

閔子騫曰善為我辭焉

不欲為季氏宰語使者曰善為我作辭說令不復

召我也集解

如有復我者必在汶上矣釋文一本無吾字鄭本無則吾二字史記仲尼弟子

傳亦無則吾字與鄭同蓋鄭從古也

復我者重來召我也去之汶水上欲北如齊也集解

○史記仲尼弟子傳集解

伯牛有疾子問之自牖執其手曰亡之



亡喪也疾甚故自牖執其手曰喪也集解

子曰賢哉回也一簞食一瓢飲在陋巷人不堪其憂

回也不改其樂賢哉回也

簞筍也瓢瓠也顏淵樂道唯簞瓢在陋巷不改其

所樂也集解○史記仲尼弟子傳集解

冉求曰非不說子之道力不足也子曰力不足者申

道而廢今女畫

畫止也力不足者當中道而廢今女自止耳非力

極也集解○釋文引首句

子謂子夏曰女為君子儒無為小人儒

君子為儒將以明其道小人為儒則矜其名也集解

○史記仲尼弟子傳集解引作何曰邢本作孔曰

子游為武城宰子曰女得人焉耳乎哉皇本高麗本作焉耳乎哉

焉耳乎哉皆辭也集解○案皇本經注皆有哉字

子曰孟之反不伐奔而殿將入門策其馬曰非敢後

也馬不進也

魯大夫孟之側也與齊戰軍大敗不伐者不自伐

其功也集解



子曰不有祝鮀之佞而有宋朝之美難乎免於今之世矣

佞曰才也祝鮀衛大夫子魚也時世貴之宋朝宋

國之美人也而善淫言當如祝鮀之佞而反如宋

朝之美難矣免於今世之害也集解○義疏及如宋朝之美者一本

云反如宋朝之美也

子曰誰能出不由戶何莫由斯道也

言人之立身成功當曰道譬由人出入要當從戶

也集解

文質彬彬

說文解字份文質備也从人分聲論語曰文質彬彬文質份份彬古文份从彡林林者从彡省聲許君所稱論語本古文當从古作彬

彬彬文質相半之貌也集解引作包曰○文選陸士衡文賦注引作孔曰

仁者先難而後獲可謂仁矣

先勞苦乃後得功此所以為仁也集解

仁者靜

無欲故靜也集解

子曰觚不觚哉觚哉

孔子曰削觚而志有所念觚不時成故曰觚哉觚



哉觚小器耳心不專一尚不時成況於大事乎太平

御覽卷七百五十九

宰我問曰仁者雖告之曰井有仁焉其從之也子曰何為其然也君子可逝也不可陷也可欺也不可罔也

宰我以為仁者必濟人於患難故問有仁人墮井將自投下從而出之否乎欲極仁人憂樂之所至也集解陷下也

子見南子子路不說孔子矢之曰予所不者天厭之

天厭之

史記孔子世家夫子作孔子否作不

等以為南子者衛靈公夫人也淫亂而靈公惑之孔子見之者欲因以說靈公使行治道也矢誓也子路不說故夫子誓之曰行道既非婦人之事而

弟子不說與之咒誓義可疑也集解

子貢曰如有博施於民而能濟眾何如可謂仁乎子曰何事於仁必也聖乎堯舜其猶病諸夫仁者已欲立而立人已欲達而達人能近取譬可謂仁之方也已



若能廣施恩惠濟民於患難堯舜至聖猶病其難也  
也更為子貢說仁者之行也方道也但能近取譬  
於已皆恕已所不欲而勿施人也集解○文選枚叔七發注引片

道也  
為政第四案皇疏以鄉黨為第二雍也為第三為政以下自當移下依次序之

子曰詩三百

篇之大數也集解

子曰導之以政齊之以刑民免而無恥皇本高麗本作導文選范

菊宗二十八將傳論釋元應蓮華經維摩詰所說經音義引並作導案皇本集解蓮華經音義並引

孔注知古文作尊也

政謂法教也免苟免罪也集解○蓮華經音義引上句

四十而不惑

不疑惑也集解

五十而知天命

知天命之終始也集解○文選潘安仁閒居賦注

孟懿子問孝

魯大夫仲孫何忌也集解

子游問孝



子游弟子也姓言名偃也集解

子曰吾與回言終日不違如愚退而省其私亦足以發回也不愚

回弟子也姓顏名回字子淵魯人也不違者無所

怪問於孔子之言默而識之如愚者也察其退還

與二三子說釋道義發明大體知其不愚也集解

記仲尼弟子傳集解引不違者以下

子曰視其所以觀其所由察其所安人焉廋哉人焉廋哉

廋匿也言觀人之終始安所匿其情也集解

子曰溫故而知新可以為師矣

溫尋也尋繹故者又知新者可以為師也集解

溫榮經音義又顯揚聖教論音義又達磨俱舍論音義

子貢問君子子曰先行其言而後從之

疾小人多言而行之不周也集解

子曰由誨女知之乎

由弟子也姓仲名由字子路也集解誨猶教也集說

季康子問使民敬忠以勸如之何



魯大夫季孫肥也康諡也集解

子曰人而無信不知其可也

言人而無信其餘終無可也集解

子張問十世可知也

文質禮變也集解

見義不為無勇也

義者所宜為也而不能為是無勇也集解

論語孔氏訓解卷三

八佾第五

子曰君子無所爭必也射乎

言於射而後有爭也集解

曰禮後乎

孔子言繪事後素子夏聞而解知以素喻禮故曰

禮後乎集解○史記仲尼弟子傳集解作何曰今從那本

子曰禘自既灌而往者吾不欲觀之矣

禘祫之禮為序昭穆也故毀廟之主及羣廟之主



皆合食於太祖灌者酌鬱鬯於太祖以降神也既

灌之後別尊卑序昭穆而魯為逆禮躋僖公亂昭

穆故不欲觀之矣集解○史記禮書集解

或問禘之說子曰不知也

答以不知者為魯君諱也集解

祭如在

言事死如事生也集解

祭神如神在

謂祭百神也集解

王孫賈問曰與其媚於奧寧媚於竈何謂也子曰不然獲罪於天無所禱也

王孫賈衛六夫也奧內也以喻近臣也竈以喻執

政也賈者執政者也欲使孔子求昵之故微以世

俗之言感之也天以喻君也孔子距之曰如獲罪

於天無所禱於眾神也集解

子曰周監於二代犧臝乎文哉吾從周汗簡引古論語郁作臝按

說文臝有文章也从有臝聲是古文省也

監視也言周文章備於二代當從周也集解○孔子世家集



言  
解

子入大廟每事問或曰孰謂鄒人之子知禮乎入大廟每事問子聞之曰是禮也

鄒孔子父叔梁紇所治邑也時人多言孔子知禮或人以為知禮者不當復問也雖知之當復問慎

之至也

集解○史記孔子世家集解引首句

子曰事君盡禮人以為諂也

時事君者多無禮故以有禮者為諂也

集解

定公問君使臣臣事君如之何孔子對曰君使臣以

禮臣事君以忠

定公魯君諡也時臣夫禮定公患之故問也

集解

子曰關雎樂而不淫哀而不傷

樂而不至淫哀而不至傷言其和也

集解

哀公問社於宰我宰我對曰夏后氏以松殷人以柏周人以栗曰使民戰栗

凡建邦立社各以其土所宜之木宰我不本其意

妄為之說因周用栗便云使民戰栗也

集解

出曰二三子何患於喪乎天下之無道也久矣天將

三

三 鄭煥館補校



以夫子為木鐸

語諸弟子言何患於夫子聖德之將喪亡邪天下之無道也已久矣極衰必有盛也木鐸施政教時所振也言天將命孔子制作法度以號令於天下也集解

子謂韶盡美矣又盡善也謂武盡美矣未盡善也

韶舜樂名也謂以聖德受禪故曰盡善也武武王樂也以征伐取天下故曰未盡善也集解

里仁第六

子曰里仁為美宅不處仁焉得知

王應麟困學紀聞云張衡思元賦匪宅不處仁里宅皆居蓋古文云然

子曰不仁者不可以久處約

久困則為非也集解

不可以長處樂

必驕佚也集解

子曰唯仁者能好人能惡人

唯仁者能審人之好惡也集解

子曰苟志於仁矣無惡也



苟誠也言誠能志於仁者則其餘無惡也集解

子曰富與貴是人之所欲也不以其道得之不處也集解

不以其道得富貴則仁者不處也集解

君子去仁惡乎成名

惡乎成名者不得名為君子也集解

子曰我未見好仁者惡不仁者好仁者無以尚之

難復加也集解

惡不仁者其為仁矣不使不仁者加乎其身

言惡不仁者能使不仁者不加非義於已不如好

仁者無以加尚之為優也集解

有能一日用其力於仁矣乎我未見力不足者

言人無能一日用其力脩仁者耳我未見欲為仁

而力不足者也集解

蓋有之矣我未之見也

謙不欲盡誣時人言不能為仁故云為能仁有耳

我未之見也集解

子曰人之過也各於其黨觀過斯知仁矣

黨黨類也小人不能為君子之行非小人之過也



當恕而無責之觀過使賢愚各當其所則為仁也

集解

子曰君子懷德

懷安也

集解○文選曹大家東征賦注又王仲宣登樓賦注引云懷思也

小人懷土

重遷也

集解

君子懷刑

安於法也

集解

子曰放於利而行多怨

放依也每事依利而行之者也取怨之道也

集解

選陸士衡演連珠注引首句

子曰參乎吾道一以貫之曾子曰唯

直曉不問故答曰唯也

集解

子曰君子喻於義小人喻於利

喻猶曉也

集解○釋元應蓮華經音義

子曰父母之年不可不知也一則以喜一則以懼

見其壽考則喜見其衰老則懼也

集解○文選潘安仁閒居賦注

子曰以約失之者鮮矣



俱不得中也奢則驕溢招禍儉約則無憂患也集解

子游曰事君數斯辱矣朋友數期疎矣

數謂速數之數也集解○筆解作包曰那本作何曰茲据皇本

玉函山房輯佚書目

卷四十二

經編論語類

論語孔氏訓解四至十一卷漢孔安國

安昌侯論語十卷漢張禹

論語包氏章句上卷後漢包咸



論語孔氏訓說卷四

公冶長第七

子謂公冶長可妻也雖在縲紲之中非其罪也以其子妻之

公冶長弟子魯人也姓公冶名長縲黑索也紲繫

也所以拘罪人也集解○史記仲尼弟子傳集解

○文選司馬子長報任安書注

引下五句○釋文引繼繫也

子謂子賤子賤魯人弟子必不齊也集解○史記仲尼弟子傳集解引魯人三字



子貢問曰賜也何如子曰汝器也

言汝是器用之人也

集解○史記仲尼弟子傳集解

或曰雍也仁而不佞子曰焉用佞禦人以口給屢憎

於人不知其人也焉用佞也

皇本高麗本下二句皆有也字

屢數也佞人口辭捷給數為人所憎也

集解

子使漆雕開仕對曰吾斯之未能信子說

開弟子也漆雕姓也開名也仕進之道未能信者

未能究習也

集解○史記仲尼弟子傳集解引下三句

子路問之喜

喜與已俱行也

集解

季康子問孔子曰冉求仁乎曰千室之邑百乘之家

求也可使為之宰仁則吾不知也復問子路仁乎孔

子曰千乘之國可使治其賦不知其仁

史記仲尼弟子列傳兩引

均作季康子問求在由前與魯論異然史記引云求也可使治其賦考孔注宰字有訓知史以與由

並言故涉筆及之非本文依孔注改

千乘之邑卿大夫之邑卿大夫稱家諸侯千乘卿

大夫百乘宰家臣仁道至大不可全名也

集解○史記仲

尼弟子傳集解 賦兵賦也

同上



子謂子貢曰女與回也孰愈

愈猶勝也

集解○史記仲尼弟子傳集解春秋襄十四年正義引作鄭注

子曰弗如也吾與女俱不如也

釋文吾與爾或作女音汝案王充論衡問

孔篇云吾與女俱不如也後漢書鄭元傳注引別傳馬融謂盧子幹曰吾與女皆不如也又橋元傳云仲尼稱不如也並用古文語吾與女俱不如也並用古文

宰予晝寢

宰予弟子宰我也

皇本作包曰邢本作孔曰

子曰朽木不可雕也糞土之牆不可圻也

誅責也今我當何責於汝乎深責之辭也

集解

子曰始吾與人也聽其言而信其行今吾與人也聽其言而觀其行於予與改是

改是者始聽言信行今更察言觀行發於宰我晝

寢也

集解

悵也慾

慾多情慾也

集解

子貢曰我不欲人之加諸我也吾亦欲無加諸人子曰賜也非爾所及也

言不能止人使不加非義於己也

集解



子路有聞未之能行唯恐有聞

前所聞未能及得行故恐後有聞不得並行也集解

○史記仲尼弟子傳集解

子貢問曰孔文子何以謂之文也子曰敏而好學不恥下問是以謂之文也

孔文子衛大夫孔叔圉也文諡也敏者識之疾也

下問問凡在已下者也集解○詩大雅江漢正義引云敏行之疾也

子謂子產有君子之道四焉

子產鄭大夫公孫僑也集解

子曰臧文仲居蔡山節藻稅何如其知也

非時人謂以為知也集解

子張問曰令尹子文三仕為令尹無喜色三已之無愠色舊令尹之政必以告新令尹何如子曰忠矣曰仁矣乎曰未知焉得仁

但聞其忠事未知其仁也集解

崔子弑齊君陳文子有馬十乘棄而違之至於佗那則曰猶吾大夫崔子也違之之一那則又曰猶吾大夫崔子也違之何如子曰清矣曰仁矣乎曰未知焉



得仁

皆齊大夫也崔杼作亂陳文子捐其四十匹馬違而去之也文子避惡逆去無道求有道當春秋時臣陵其君皆如崔杼無有可止者也

集解

子曰甯武子邦有道則知邦無道則愚其知可及其愚不可及也

詳愚似實故曰不可及也

集解

子在陳曰歸乎歸乎吾黨之小子狂簡斐然成章吾不知所以裁之

史記孔子世家引兩與字並作乎不知上有吾字

簡大也孔子在陳思歸欲去故曰吾黨之小子狂

簡者進趨於大道妄穿鑿以成文章不知所以裁

制我當歸而裁制之耳遂歸

集解○史記孔子世家集解

子曰伯夷叔齊不念舊惡怨是用希

伯夷叔齊孤竹君之二子也孤竹國名也

集解

也

文選陸士衡五等論注

子曰孰謂微生高直或乞醢焉乞諸其鄰而與之

微生姓高名魯人也乞之四鄰以應求者用意委

曲非為直人也

集解



子曰巧言令色足恭左丘明恥之丘亦恥之

足恭便辟之貌也左丘明魯大史也集解

匿怨而友其人左丘明恥之丘亦恥之

心內相怨而外詐親也集解

顏淵季路侍子曰盍各言爾志子路曰願車馬衣裘

與朋友共做之而無憾唐石經初刻作衣裘旁注輕

邕傳顏祖云朕意在車馬衣裘與卿共做與邢皇二疏並言車馬衣裘以為本無輕字之証

憾恨也集解釋文

顏淵曰願無伐善無施勞

自無稱己之善也無以勞事置施於人也集解

少者懷之

懷歸也集解

述而第八

子曰德之不修學之不講聞義不能徙不善不能改

是吾憂也

夫子常以此四者為憂也集解○孔子世家集解

子曰甚矣吾衰也久矣吾不復夢見周公

孔子衰老不復夢見周公也明盛時夢見周公欲



行其道也集解

子曰自行束脩以上吾未嘗無誨焉

言人能奉禮自行束脩以上則皆教誨之也集解

解引作之焉

子謂顏淵曰用之則行捨之則藏唯我與爾有是夫

史記仲尼弟子傳舍作捨惟作唯

言可行則行可止則止唯我與顏淵同耳集解

尼弟子傳集解

子路曰子行三軍則誰與子曰暴虎馮河死而無悔

者吾不與也必也臨事而懼好謀而成者也

大國三軍子路見孔子獨美顏淵以為己有勇至

於夫子為三軍將亦當惟與已俱故發此問暴虎

徒搏也馮河徒涉也集解

如不可求從吾所好

所好者古入之道也集解○史記伯夷列傳集解

子之所慎齊戰疾

此三者人所不能慎而夫子能慎之也集解

冉有曰夫子為衛君乎子貢曰諾吾將問之入曰伯



夷叔齊何人也曰古之賢人也曰怨乎曰求仁而得仁又何怨出曰夫子不為也

伯夷叔齊讓國遠去終於餓死故問怨乎以讓為

仁豈怨乎

集解

子曰飯蔬食飲水曲肱而枕之樂亦在其中矣

皇本疏作

蔬注同

蔬食菜食也肱臂也孔子以此為樂也

集解

子所雅言詩書執禮皆雅言也

雅言正言也

集解

葉公問孔子於子路子路不對子曰女奚不曰其為人也發憤忘食樂以忘憂不知老之將至也云爾

高麗本至下有也字

葉公名諸梁楚大夫食采於葉僭稱公不對者不

知所以答也

集解○史記孔子世家集解

子不語怪力亂神

怪怪異也力謂若鼻盪舟烏獲舉干鈞之屬也亂

謂臣弑君子弑父也神謂鬼神之事也或無益於

教化也或所不忍言也

集解○史記孔子世家集解皇本邢本並作王曰山



井鼎攷異足利本  
作孔安國今從之

四十二卷九

亡而為有虛而為盈約而為泰難乎有恒矣

難可名之為有常也集解

子釣而不綱弋不射宿

釣者一竿釣也綱者為大綱以橫絕流以繳繫釣

羅屬著綱也弋繳射也宿宿鳥也集解○文選潘

引綱者三句無以橫絕流四字安仁西征賦注

多聞擇其善者而從之多見而識之知之次也

如此次於生知之者也集解

子曰與其進也不與其退也唯何甚

教誨之道與其進不與其退怪我見此童子惡惡

一何甚也集解

陳司敗問孔子曰昭公知禮乎孔子曰知禮退而揖

巫馬旗曰吾聞君子不黨君子亦黨乎魯君娶於吳

為同姓謂之吳孟子魯君而知禮孰不知禮史記仲

傳昭公上有魯字案孔氏注昭公魯昭公也知魯

字據注補又陳司敗問下有孔子曰退上無孔子

娶以下史參孔注今唯補二魯字

司敗官名也陳大夫也昭公魯昭公也巫馬旗弟

九 嬭環館補校



子也名施相助匿非曰黨魯吳俱姬姓也禮同姓

不婚而君取吳女當稱吳姬諱曰孟子也集解○釋文引

上三句○史記仲尼弟子傳集解引上三句無巫馬期弟子名施及魯吳句期作旗

施以告孔子孔子曰丘也幸苟有過人必知之首句從史

記

以司敗之言告也諱國惡禮也聖人智深道宏故

受以為過也集解○史記仲尼弟子傳集解

躬行君子則吾未之有得

躬為君子行已未能得之也集解

論語孔氏訓解卷五

泰伯第九

如臨深淵

淵潭也釋惠苑華嚴經音義上

曾子曰可以侂六尺之孤顧野王玉篇引作侂案說文解字侂寄也

六尺之孤年十五下正義○周禮地官大司徒疏引六尺謂年十五又鄉

大夫疏○儀禮喪傳疏引十五已下

可以寄百里之命

攝君之政令也集解



仁以為己任不亦重

死而後己不亦遠乎

以仁為己任重矣

焉死而後己遠莫遠焉

成於樂

樂所以成性也集解

人而不仁疾之已甚也

疾惡大甚亦使其為亂也集解

子曰如有周公之才之美設使驕且吝其餘不足觀

也已矣皇本使上有設字已下有矣字高麗本

周公者周公旦也集解

子曰若聖與仁則吾與敢

孔子謙不敢自名仁聖也集解

子疾病子路請禱子曰有諸子路曰有之禱曰禱爾

于上下神祇子曰丘之禱久矣說文禱也累功德以求福引論語禱曰

子路失旨也調禱篇也案說文引論語誅作調許君所傳古文也孔注

依今文改孔子素行合於神明故曰丘之禱久

矣集解○世說新語德行篇劉孝標注

子曰奢則不孫儉則固其不孫也寧固

俱失之也奢不如儉口則僭上儉則不及嚙耳固



陋也

集解

十一 婦孺館補校  
四十二 卷十二

子曰三年學不至於穀不易得也

穀善也言人三歲學不至於善不可得言必無及

也所以勸人於學也

集解

子曰不在其位不謀其政

欲各專一於其職也

集解

子曰狂而不直侗而不愿慳慳而不信吾不知之矣

狂者進取宜直也侗未成器之人也宜謹愿也言

皆與常度反故我不知也

集解

子曰大哉堯之為君也巍巍乎唯天為大唯堯則之



則法也美堯能法大而行化也集解

舜有臣五人而天下治

禹稷契皋陶伯益也集解

武王曰予有亂十人釋文予有亂十人本或作亂臣十人非

孔子曰才難不其然乎唐虞之際於斯為盛有婦人焉九人而已

唐者堯號也虞者舜號也際者堯舜交會之間也斯此也此此於周也言堯舜交會之間比於此周周最盛多賢才然尚有一婦人其餘九人而已

才難得豈不然乎集解

子曰禹吾無間然矣

孔子推禹功德之盛言已不能復間廁其間也集解

惡衣服而致美乎黻冕

損其常服以盛祭服也集解

子罕第十

子曰麻冕禮也今也純儉吾從眾

冕緇布冠也古者績麻三十升布以為之純絲也

絲易成故從儉也集解○後漢書陳元傳注引作何曰



子畏於匡曰文王既沒文不在茲乎天之將喪斯文也後死者不得與於斯文也天之未喪斯文也匡人其如予何

茲此也言文王雖已沒其文見在此此自謂其身

也文王既沒故孔子自謂後死也言天將喪斯文

者本不當使我知之今使我知之未欲喪也集解

記孔子世家集解

大宰問於子貢曰夫子聖者與何其多能也子貢曰固天縱之將聖又多能也

大宰大夫官名也或吳或宋未可分也疑孔子多能於小藝也言天固縱之大聖之德又使多能也

集解

子曰吾有知乎哉無知也有鄙夫來問於我空空如也我叩其兩端而竭焉皇本夫下有來字

有鄙夫來問於我其意空空然我則發事之終始兩端以語之竭盡所知不為有愛也集解

子曰鳳鳥不至河不出圖雖不出書吾已矣夫史記孔子

世家河不出圖下有雖不出書句



有聖人受命則鳳鳥至河出圖今無此瑞吾已矣

夫不得見也河圖八卦是也集解○史記孔子世家集解無鳳鳥至句

孔注不及雜書者何晏刪之

夫子循循然善誘人博我以文約我以禮欲罷不能既竭吾才如有所立卓爾雖欲從之末由也已

言夫子既以文章開博我又以禮節節約我使我欲罷而不能已竭我才矣其又有所立則又卓然

不可及雖蒙夫子之善誘猶不能及夫子之所立

也集解○史記孔子世家集解

子疾病子路使門人爲臣病間曰久矣哉由之行詐也無臣而爲有臣吾誰欺欺天乎

病少差日間也言子路有是心非唯今日也集解○文

選枚叔七發注引首句

且予縱不得大葬

君臣禮葬也集解

子曰苗而不秀者有矣夫秀而不實者有矣夫

言萬物有生而不育者論人亦然也集解

子曰法語之言能無從乎改之爲貴



人有過以正道告之口無所不順從之能必自改

乃為貴也

集解

子曰三軍可奪帥也匹夫不可奪志也

三軍雖眾人心非一則其將帥可奪之而取匹夫

雖微苟守其志不可得而奪也

集解

子曰衣弊緼袍與衣狐貉者立而不恥者其由也與

說文引論語敝作弊汗簡引古論語貉作貉

緼泉著也

集解○後漢書崔寔傳注

仁者不憂

不憂患也

集解



詩經孔氏詩解

卷五

四十二卷十七

[Faded vertical text in columns]







